

ხელშეკრულება სახელმწიფო შესყიდვის შესახებ №21/ელ

ქ. თბილისი

07 მაისი 2021 წელი

ერთი მხრივ (შემსყიდველი): შპს „აკად. ნ. ყიფშიძის სახელობის ცენტრალური საუნივერსიტეტო კლინიკა“
წარმოდგენილი დირექტორის მოადგილის (სამკურნალო დარგში) - ნოდარ ჩიმაკაძის სახით
საიდენტიფიკაციო კოდი: 205165453
მისამართი: თბილისი, ვაჟა-ფშაველას გამზ. №29
მიმღები: სს ბანკი ქართუ
ბანკის კოდი: CRTUGE22
სახაზინო კოდი: GE87CR0000000000023402

მეორე მხრივ (მიმწოდებელი): შპს „ჰუმან დიაგნოსტიკ ჯორჯია“
წარმოდგენილი დირექტორის - გიორგი ხაჭაპურიძის სახით
საიდენტიფიკაციო კოდი: 202161640
მისამართი: თბილისი, ივანე ჯავახიშვილის ქ. №51
ბანკის დასახელება: სს "ბაზის ბანკი"
ბანკის კოდი: CBASGE22
ა/ა: GE67BS0000000055236674

წინამდებარე ხელშეკრულება გაფორმებულია სახელმწიფო შესყიდვების შესახებ საქართველოს კანონის 10¹ მუხლის პირველი პუნქტის და სახელმწიფო შესყიდვების სააგენტოს თავმჯდომარის 2017 წლის 14 ივნისის № 12 ბრძანებით დამტკიცებული ელექტრონული ტენდერის ჩატარების წესის 33-ე მუხლის პირველი პუნქტის შესაბამისად. პრეტენდენტის - სატენდერო წინადადების საფუძველზე. NAT210006346 ელექტრონული ტენდერის ჩატარების შედეგად მხარეები დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით, ასევე ყველა იმ დოკუმენტით რომლებზედაც წინამდებარე ხელშეკრულებაში არის მინიშნება;
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3. „დღე“, „კვირა“, „თვე“ - კალენდარული დღე, კვირა, თვე, თუ ხელშეკრულებით სხვა რამ არ არის გათვალისწინებული;
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

2. ხელშეკრულების საგანი

- 2.1. ხელშეკრულების საგანს წარმოადგენს, შპს „აკად. ნ. ყიფშიძის სახელობის ცენტრალური საუნივერსიტეტო კლინიკის“ საჭიროებისათვის:
 - რექტივები Easystat ანალიზატორისთვის
 - CPV კოდი: 33600000 - ფარმაცევტული პროდუქტები
- 2.2. მოსაწოდებელი შესყიდვის ობიექტის დასახელება, რაოდენობა და აღწერილობა განისაზღვრება დანართი N1-ის (ფასების ცხრილი) შესაბამისად, რომელიც თან ერთვის წინამდებარე ხელშეკრულებას და წარმოადგენს მის განუყოფელ ნაწილს.

3. ხელშეკრულების ღირებულება

- 3.1. ხელშეკრულების ღირებულება შეადგენს 27 010.00 ლარს (ოცდაშვიდი ათას ათი ლარი და 00 თეთრი).
- 3.2. ხელშეკრულების ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯს, მათ შორის, საქართველოს კანონმდებლობით გათვალისწინებულ გადასახადებს;
- 3.3. შესყიდვის ობიექტის ერთეულის და საერთო ფასი მოცემულია დანართი N1-ში (ფასების ცხრილი), რომელიც თან ერთვის წინამდებარე ხელშეკრულებას და წარმოადგენს მის განუყოფელ ნაწილს.

4. შესყიდვის ობიექტის მიწოდების ვადა, ადგილი და პირობები

- 4.1. შესყიდვის ობიექტის მიწოდება განხორციელდება ხელშეკრულების გაფორმებიდან 2021 წლის 31 დეკემბრის ჩათვლით, შემსყიდველის მოთხოვნის შესაბამისად, მოთხოვიდან 21 დღის ვადაში.
- 4.2. შესყიდვის ობიექტის მიწოდება უნდა განხორციელდეს შემდეგ მისამართზე: ზუგდიდის მუნიციპალიტეტი, სოფელი რუხი - რუხის რესპუბლიკური საავადმყოფო.

5. ანგარიშსწორების ფორმა, ვადები და პირობები

5.1. ანგარიშსწორება განხორციელდება შემდეგი პირობებით:

5.1.1. ანგარიშსწორების ვალუტა - ლარი;

5.1.2. ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

5.2. ანგარიშსწორება განხორციელდება მხარეთა შორის გაფორმებული მიღება-ჩაბარების აქტის, მიმწოდებლის მიერ წარმოდგენილი სასაქონლო ზედნადებისა და ანგარიშ-ფაქტურის (კანონმდებლობით გათვალისწინებულ შემთხვევაში) საფუძველზე, დოკუმენტების სრულყოფილად გაფორმებიდან არაუგვიანეს 60 (სამოცი) კალენდარული დღის განმავლობაში.

5.3. დაფინანსების წყარო: **2021 წლის საკუთარი შემოსავლები**

5.4. წინასწარი ანგარიშსწორება არ გამოიყენება.

6. ხელშეკრულების შესრულების კონტროლი

6.1. ხელშეკრულების შესრულების კონტროლს ახორციელებს ინსპექტირების შესაბამისი ჯგუფი.

6.2. შემსყიდველი ორგანიზაცია უფლებამოსილია, აწარმოოს მოწოდებული შესყიდვის ობიექტის ხარისხის და რაოდენობის ინსპექტირება ხელშეკრულების მოქმედების ნებისმიერ ეტაპზე.

7. შესყიდვის ობიექტის მიღება ჩაბარების წესი:

7.1. შესყიდვის ობიექტის მიღება-ჩაბარება ფორმდება მიღება-ჩაბარების აქტით;

7.2. მიღება-ჩაბარების აქტი მხარეთა შორის გაფორმდება შესყიდვის ობიექტის მოწოდების შემდეგ, ფაქტობრივად მიწოდებული შესყიდვის ობიექტის შესაბამისად, მიმწოდებლის მიერ წარმოდგენილი სასაქონლო ზედნადებისა და ანგარიშ-ფაქტურის (კანონმდებლობით გათვალისწინებულ შემთხვევაში) საფუძველზე.

8. პირგასამტეხლო ხელშეკრულების პირობების შეუსრულებლობისათვის

8.1. ხელშეკრულებით ნაკისრი ვალდებულებების შესრულების ვადის გადაცილების შემთხვევაში, მიმწოდებელს დაეკისრება პირგასამტეხლო, ყოველ გადაგადაცილებულ დღეზე შესასრულებელი ვალდებულების შესაბამისი ღირებულების 0.1%-ის ოდენობით;

8.2. მიმწოდებლის მიერ ხელშეკრულებით ნაკისრი ვალდებულებების არაჯეროვანი შესრულების შემთხვევაში, მიმწოდებელს შესაძლებელია დაეკისროს პირგასამტეხლო, შეუსრულებელი (არაჯეროვანად შესრულებული) ვალდებულების ღირებულების 1%-ის ოდენობით;

8.3. მიმწოდებლის მიერ ხელშეკრულებით ნაკისრი ვალდებულებების შეუსრულებლობის, ნაწილობრივი შესრულების ან არაჯეროვანი შესრულების მიზეზით ხელშეკრულების შეწყვეტის შემთხვევაში შემსყიდველს უფლება აქვს დააკისროს პირგასამტეხლო ხელშეკრულების ღირებულების 10%-ის ოდენობით.

8.4. იმ შემთხვევაში, თუ მიმწოდებელზე ვადების გადაცდენისათვის ან/და არაჯეროვანი შესრულებისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, შემსყიდველს უფლება აქვს შეწყვიტოს ხელშეკრულება და მოსთხოვოს მეორე მხარეს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

8.5. იმ შემთხვევაში თუ ხელშეკრულების მოქმედების ვადის გასვლის შემდეგ, მიმწოდებლის მიერ ხელშეკრულებით ნაკისრი ვალდებულებები შეუსრულებელია, შემსყიდველს უფლება აქვს, დააკისროს მიმწოდებელს პირგასამტეხლო ხელშეკრულების ღირებულების 10%-ის ოდენობით.

8.6. მიმწოდებლის მხრიდან, ხელშეკრულებით ნაკისრი ვალდებულებების შესრულების 10 (ათი) დღეზე მეტი გადაგადაცილების შემთხვევაში, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს შესაბამისი პირგასამტეხლოს ანაზღაურება.

8.7. პირგასამტეხლოს გადახდა არ ათავისუფლებს მხარეს ხელშეკრულებით ნაკისრი ვალდებულებების შესრულებისაგან.

8.8. მხარეები უფლებამოსილნი არიან განახორციელონ ურთიერთმოთხოვნათა გაქვითვა. ვალდებულებათა გაქვითვა შესაძლებელია მაშინაც, როცა ერთ-ერთი მოთხოვნის შესრულების ვადა ჯერ არ დამდგარა, მაგრამ ამ მოთხოვნის უფლების მქონე მხარს უჭერს გაქვითვას. ვალდებულებათა გაქვითვა ხორციელდება მეორე მხარისათვის შეტყობინებით.

9. მხარეთა უფლებები და ვალდებულებანი

9.1. „მიმწოდებელი“ ვალდებულია გადასცეს შემსყიდველს ნივთობრივად და უფლებრივად უნაკლო შესყიდვის ობიექტი ხელშეკრულების პირობების შესაბამისად;

9.2. „შემსყიდველი“ ვალდებულია უზრუნველყოს მიმწოდებლის მიერ მოწოდებული შესყიდვის ობიექტის ღირებულების ანაზღაურება ხელშეკრულების პირობების შესაბამისად.

9.3. „მიმწოდებელს“ უფლება აქვს მოითხოვოს მოწოდებული შესყიდვის ობიექტის ღირებულების დროული და სრული ანაზღაურება ხელშეკრულების პირობების მიხედვით.

9.4. „შემსყიდველს“ უფლება აქვს აწარმოოს მოწოდებული შესყიდვის ობიექტის ხარისხის და რაოდენობის კონტროლი.

10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე;

- 10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით;
- 10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების თავდაპირველი ჯამური ღირებულების გაზრდა დაუშვებელია 10%-ზე მეტი ოდენობით;
- 10.4. თუ მხარე ჯეროვნად ვერ ასრულებს მასზე დაკისრებულ მოვალეობებს, მეორე მხარე უფლებამოსილია გავიდეს ხელშეკრულებიდან მის მიერ განსაზღვრული გონივრული დამატებითი ვადის უშუალოდ გასვლის შემდეგ, ხელშეკრულების პირობების დამრღვევი მხარისთვის წერილობითი შეტყობინებით;
- 10.5. ხელშეკრულება შეიძლება შეწყდეს მხარეთა წერილობითი ურთიერთშეთანხმებით, ასევე წინამდებარე ხელშეკრულებით გათვალისწინებულ ან/და საქართველოს კანონმდებლობით დადგენილ სხვა შემთხვევებში.

11. ხელშეკრულების შესრულების შეუძლებლობა

- 11.1. ხელშეკრულების დამდები მხარის მიერ ხელშეკრულების პირობების შეუსრულებლობა არ გამოიწვევს მხარის პასუხისმგებლობას თუ ხელშეკრულების შეუსრულებლობა ან არაჯეროვანი შესრულება გამოწვეულია შესრულების შეუძლებლობით (ფორს-მაჟორი);
- 11.2. ამ ხელშეკრულების მიზნებისათვის შესრულების შეუძლებლობად (ფორს-მაჟორი) მიიჩნევა მხარეებისათვის წინასწარ უცნობი, გადაულახავი და მათი კონტროლისაგან დამოუკიდებელი გარემოებები. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა;
- 11.3. ფორს-მაჟორული გარემოებების დადგომის შემთხვევაში მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე მეორე მხარისაგან გონივრულ ვადაში არ მიიღებს წერილობით პასუხს, იგი ვალდებულია გააგრძელოს ხელშეკრულებით ნაკისრი ვალდებულებების შესრულება შესაძლებლობის ფარგლებში, შექმნილი გარემოებების გათვალისწინებით;
- 11.4. მხარეთა პასუხისმგებლობა და ვალდებულებები განახლდება ფორს-მაჟორული გარემოებების მოქმედების დასრულებისთანავე.

12. ხარისხი და გარანტია

- 12.1. მოწოდებულ შესყიდვის ობიექტზე ვარგისიანობის მოქმედების ვადა უნდა გრძელდებოდეს მოწოდების მომენტიდან არანაკლებ 6 თვე.
- 12.2. მოწოდებული შესყიდვის ობიექტი უნდა იყოს ახალი და არ უნდა ავლენდეს ხარვეზებს. შემსყიდველის მხრიდან შესყიდვის ობიექტის ექსპლუატაციის ნორმების დაცვის შემთხვევაში, საგარანტიო ვადის განმავლობაში მიმწოდებელმა საკუთარი ხარჯებით უნდა აღმოფხვრას ექსპლუატაციის პროცესში გამოვლენილი ნებისმიერი ხარვეზი/წუნი (ტრანსპორტირების ჩათვლით), საჭიროების შემთხვევაში უზრუნველყოს წუნდებული შესყიდვის ობიექტის შეცვლა ახლით. მიმწოდებელი ვალდებულია საქონლის მიწოდების თარიღიდან არაუგვიანეს 1 (ერთი) თვის ვადაში, შემსყიდველის მიერ აღმოჩენილი, წუნდებული საქონლის შესახებ შეტყობინების მიღებიდან არაუმეტეს 10 (ათი) დღეში განახორციელოს წუნდებული საქონლის შეცვლა შემსყიდველის მხრიდან რაიმე დამატებითი დანახარჯის გაწევის გარეშე.
- 12.3. მიმწოდებლის მიერ ხელშეკრულების 12.2 პუნქტში მითითებული ვალდებულების შეუსრულებლობის შემთხვევაში, შემსყიდველ ორგანიზაციას უფლება აქვს, საკუთარი ხარჯებით აღმოფხვრას ექსპლუატაციის პროცესში გამოვლენილი დეფექტები და მოსთხოვოს მიმწოდებელს შესაბამისი ხარჯების სრულად ანაზღაურება.

13. დავები და მათი გადაწყვეტის წესი

- 13.1. ხელშეკრულება დადებულია და განიმარტება საქართველოს კანონმდებლობის შესაბამისად.
- 13.2. ხელშეკრულების შესრულების პროცესში მხარეთა შორის წარმოშობილი დავა წყდება მორიგებით.
- 13.3. შეთანხმების მიუღწევლობის შემთხვევაში მხარეებს უფლება აქვთ მიმართონ სასამართლოს.

14. ხელშეკრულების მოქმედების ვადა

- 14.1. წინამდებარე ხელშეკრულება ძალაში შედის ხელშეკრულების ხელმოწერის თარიღიდან და მოქმედებს:
- 14.1.1. საგარანტიო მომსახურების ნაწილში - ხელშეკრულების 12.1 ქვეპუნქტის შესაბამისად.
- 14.1.2. ხელშეკრულების მე-8 მუხლი მოქმედებს ხელშეკრულების ფარგლებში მხარეთა მიერ ნაკისრი ვალდებულებების საბოლოო შესრულებამდე.
- 14.1.3. ყველა სხვა ნაწილში ხელშეკრულება მოქმედებს 2022 წლის 31 იანვრის ჩათვლით.

დანართი №1

ფასების ცხრილი

№	შესყიდვის ობიექტის დასახელება	შეფუთვა	მწარმოებელი ქვეყანა	მწარმოებელი	მახასიათებელი	ზომის ერთეული	რაოდენობა	ერთეულის ფასი (ლარი)	ჯამური ფასი (ლარი)	მიწოდების ვადები	ვარგისიანობის ვადა
1	2	3	4	5	6	7	8	9	10	11	12
1	EasyStat Reagent Module Cat.No.7101	1*	აშშ	MEDICA Corp.	ანალიზატორისთვის EasyStat	ცალი	24	800	19200	ხელშეკრულების გაფორმებიდან 2021 წლის 31 დეკემბრის ჩათვლით, შემსყიდველის მოთხოვნის შესაბამისად, მოთხოვიდან 21 დღის ვადაში.	ვარგისიანობის მოქმედების ვადა მოწოდების მომენტიდან არანაკლებ 6 თვე
2	EasyStat Daily Cleaning Solution Kit Cat.No.2118	1*6 ფლაკონი	აშშ	MEDICA Corp.	ანალიზატორისთვის EasyStat	ნაკრები	4	200	800		
3	Quality Control №30 (3*(10+10+10) Level1/Level2/Level3 (30 amp/Kit) Cat.No.: 6303/6304/6305	3 დონე (10+10+10)	აშშ	MEDICA Corp.	ანალიზატორისთვის EasyStat	ნაკრები	1	200	200		
4	EasyStat Reference Electrode Cat.No.6204	1*	აშშ	MEDICA Corp.	ანალიზატორისთვის EasyStat	ცალი	1	700	700		
5	EasyStat K+ Electrode Cat.No.7206	1*	აშშ	MEDICA Corp.	ანალიზატორისთვის EasyStat	ცალი	1	650	650		
6	EasyStat Na+ Electrode Cat.No.7205	1*	აშშ	MEDICA Corp.	ანალიზატორისთვის EasyStat	ცალი	1	650	650		
7	EasyStat Ca++ Electrode Cat.No.7207	1*	აშშ	MEDICA Corp.	ანალიზატორისთვის EasyStat	ცალი	1	670	670		
8	EasyStat PH Electrode Cat.No.6201	1*	აშშ	MEDICA Corp.	ანალიზატორისთვის EasyStat	ცალი	1	1010	1010		
9	EasyStat PCO2 Electrode Cat.No.6202	1*	აშშ	MEDICA Corp.	ანალიზატორისთვის EasyStat	ცალი	1	1010	1010		
10	EasyStat PO2 Electrode Cat.No.6203	1*	აშშ	MEDICA Corp.	ანალიზატორისთვის EasyStat	ცალი	1	1010	1010		
11	EasyStat Pump Tubing Cat.No.7304	1*	აშშ	MEDICA Corp.	ანალიზატორისთვის EasyStat	ცალი	2	200	400		
12	EasyStat Probe Wipers (pack of 4) Cat.No.7302	1*4 ცალი	აშშ	MEDICA Corp.	ანალიზატორისთვის EasyStat	შეკვრა	2	355	710		
ჯამი (ლარი)									27010		

შპს "ჰუმან დიაგნოსტიკ ჯორჯია"
დირექტორი გიორგი ხაჭაპურიძე

Human
Diagnostic
Georgia
Ltd

Digitally signed
by Human
Diagnostic
Georgia Ltd
Date: 2021.04.20
18:13:17 +04'00'